


Mbwn ciemhciemh laep lo, mbouj miz maz saeh guh gig mbwq couh roengz laj laeuz daeuj daengz diegdangz. Ngamq byaij hwnj diuz roenbuet nding, bang mbauqcoz ndeu couh buet gvaq baihnaj gou bae! Gou raen gyoengqde mbouj miz geijlai cabied, cungj dwg boux riengz boux, hawj vunz nyaenx mbouj ndaej hemq: “Hamj gvaqbae ba!” Yienghneix, gou couh dingz din ngonz, ciemhciemh, mizmbangj hagseng sai dingj mbouj ndaej lo, song fwngz got dungx, naet dwk heiq baegfofo, hoeng, lij youq gizhaenx genhciz buet, caj rengz bouj hwnj le, couh laebdaeb buet bae coh baihnaj, gaenriengz vunzlai, daengz doeksat lij mbouj haengj vutvak. Yawj gij mbauqcoz cungmuenx vuedlig neix, gou gag haenhdanq: “Ndei lai lo!”

Siengj daengz gyoengqde hax–



baenz doxdax buet gig haenq, ndawsim gou gag siengj: Ciengz doxdax neix nanzdauh mbouj lumj doxdax hagsib ha? Hainduj, mwngz caeuq gou mbouj miz geijlai cabied,

buenx dwk hagsib menhmenh haeujlaeg, aenvih moix boux vunz hagsib cangdai mbouj doxdoengz, couh cugciemh liz gyae lo.

Bouxwnq bae doekgonq, hoeng, swhgeij cix lot daengz baihlaeng bae, danghnaeuz swhgeij caiq mbouj gibseiz diuzcingj, yienghneix, couh biujmingz swhgeij gagnyienh lotlaeng, hix couh lumj buet baeg lo, gag deuz okdaeuj, naengh youq gizhaenx laep da yietbaeg, mbouj caiq yunghrengz, cij guenj vaiqvued, yienghneix couh

gouq mbouj ndaej mwngz lo; danghnaeuz dingz yaep he, caj rengzndang hoizdauq caiq buet, hoeng, yienghneix cij gojnwngz buet ndaej baenzgoeng, aenvih gaxgonq lotlaeng le caiq siengj gyaep hwnjbae couh gig nanz lo; danghnaeuz rengzndang gaenq sied bae lai seiz, menh buet menh bouj rengz, lauheiq mwngz liz baenzgoeng couh mbouj gyae lo, caemhcaiq baenzgoeng itdingh dwg mwngz.

Yienznaeuz naengzlig swhgeij mbouj dwg cei q ndei, hoeng, ndaej doenggvaq yunghrengz bae bouj dauq, caeuq doiqfueng sukiq cengca, nanz le, cijaeu genhciz, yungh raemxhanh swhgeij bae buek cungj itdingh miz soundaej.

O! Youh dwg bang mbauqcoz ndeu buet daeuj lo, gou gaenriengz hwnjbae, menhmenh, naet lo, hoeng, gou lij haebheuj genhciz, buet sat mbat daih’it buetgyae. Seizneix, hanh lae hanh roenx, soengswtswt, aenvih lae raemxhanh, mboujdan soundaej gij angq baenzgoeng, lij miz aensim yunghrengz genhciz, ciengxlwenx mbouj seizbienh vutvak ndeu dem!

gojsaeh iq

Louz Congh Vauq Ndeu Hawj Bouxwnq

留个缺口给别人

□Hoz Giogjmiagz

Boux giyezgyah mizmingz cingq guh baugau, miz boux dingq ndeu cam: “Mwngz youq gwnz saehnieb guh ndaej baenzgoeng hungraeuh, doiq mwngz daeuj gangj, gijmaz cei q youqgaenj?”

Boux giyezgyah mbouj cigciep dap vah, de gaem faenjbit youq hwzbanj veh aen gien ndeu, cijdwg mbouj veh liux, louz aen congh vauq ndeu. De dauqfanj cam: “Aen neix dwg gijmaz?” “Lingz.” “Aen gien.” “Saehnieb caengz guh baenz.” “Baenzgoeng.” Bouxdingq baihlaj boux dap boux han.

De doiq gij hoizdap neix mbouj doengzeiq hix mbouj

fanjdoi q: “Gizsaed, aen neix cijdwg aen gawqhauh ndeu caengz veh liux. Sou cam gou vihmaz aeu ndaej cingzcik baenz hung, dauhleix gig genjdanh: Gou mbouj dawz saehcingz guh liux caez, couh lumj veh aen gawqhauh nei, itdingh yaek louz aen congh vauq ndeu, hawj bouxlajfwngz gou bae dienz nduenrim de.”

Louz congh vauq ndeu hawj bouxwnq, mbouj daibyaui swheij naengzlig mbouj giengz. Saedcae q ha, neix dwg cungj coengmingz guenjleix ndeu, dwg cungj nduenrim miz daengxbuenz yisiz youh yawj ndaej engq sang he.



Maxdaemq Dwzbauj.

Bi 1971 ndwen 7 ngoenz 28, song lwg da de guh gvaq soujsuz haenx lij caengz ndei dauq caezcienz, de youh cingj gij goeng–daeuz ginghgunghgiz daeuj doxyaeng guhhong lo.

De naeuz, gij yenzliuh hong ginghgunghye z aeu guh youq Guengj–sae raeuz, wnggai ndaem cix ndaem, wnggai haivat cix haivat, wnggai soucawx cix soucawx. “4.5” giva geizgan, raeuz aeu ceng guh baenz doxgaiq ginghgungh gag baengh bonjfaenh gihbwnj gaijgez. Gij yenzliuh gih raeuz miz siuloh haenx aeu lai fazcanj, cawz gag gaeuq yungh le, lij ndaej caeuq gij sengj, si, swcigih beixnuengx wnq doxvuenh doxgaiq roxnaeuz gai bae guekrog. Gij doxgaiq gih raeuz mbouj miz haenx aeu guh hwnjdaeuj gonq, gij doxgaiq caengz guh ndaej baenzgoeng haenx raeuz aeu bae hag, bae caux; gij gaenq guh baenz haenx aeu daezsang cizlieng, demgya vasaek binjungj, gyangq–daemq ngaenzgoek. Gij canjbinj cizlieng caengz gvaq ndaej gvan

haenx, aeu ra ok yenzyin h, dangh–naeuz dwg sezbei, caizliuh miz vwndiz aeu habdangq bae fuzrex; danghnaeuz dwg gisuz miz vwndiz, cix baij vunz bae mbanj sengj, si maenhndei haenx hag, roxnaeuz cingj vunz daeuj son. Ginghgunghye z gaej cij banh aen ndeu, dan miz aen ndeu mbouj miz aen doxbeij cix mbouj miz doxdax. Gaxgonq Namzningz guh fanden cij miz “Fan h Guek” aen ndeu, mbouj fuengbienh vunzlai, gwn mbouj gwn cij aen dog, mbouj miz doxceng. Sou aeu ndeindei ngeixyaeng, hawj binjungj baizbaiz doih. Gij canjciz hung haenx lumjnaeuz laeuj, dangz, aeu daihlig fazcanj. Laeuj, aeu guh

laeujndei, gih raeuz ndaem baenzlai megmax, cungj siu ndaej ok di laeuj–ndei ba! Soujgunghye z aeu fazcanj, aeu daezsang cizlieng canjbinj, lumjnaeuz gij ga eijgaeu, demh gaiq gyauh hwnjbae, cix mbouj lau gyod lo, caemh mbouj rox ngad vaih dibanj dem, yienghneix cizlieng cix lai ndei di lo. Eijgaeu genjbienh ndei yungh, hab gij dienheiq dieg baihnanz, ndei gvaq gij sah faz danzgung youh naek youh hung haenx. Gvaqlaeng couh wnggai lai ok di doxgaiq genjbienh, nai h yungh, vunzlai haengj yungh haenx. Doxgaiq ngoenzyungh mbouj yungh caiq bae diegro g cawx lo, danhfanz gij doxgaiq

dak vunzhek, cungj aeu yungh gij huq bonjfaenh.

Goengdaeuz Cau Bingjyenz bihaenx cawjguenj ginghgungh haenx naeuz: “Veiz Gozcingh gig yawjnaek guh hong ginghgungh, bibi cungj anbaiz dou bae gyroeb lwnh song sam baez. Anh Bingzswng h, Gyauz Yauj–gvangh, Cinz Yinggih daengj goeng–daeuz caeuq gij goengdaeuz swng hcanj cijveihcu j Cinz Gaihlu, Yinz Gwnghgingh, Couh Gvanghcunh daengj vunz, saekseiz goj camgya. Gij saeh Veiz Gozcingh iugouz dou gangj haenx, doengciengz dwg gvendaengz mingzyouh canjbinj ginghgungh. (caengz sat)

Veiz Gozcingh Sangcieng Cawj–guenj Guengjsae Ngeihcib Bi

韦国清上将主政广西二十年

□Hoz Saubangisii Cioz Siengzcoub Liuz Giogliui Cioz Siengzgeen boiz